



БОЛОВСРОЛЫН САЙД
П.НАРАНБАЯР ТАНАА

МОНГОЛ УЛСЫН ИХ ХУРЛЫН ГИШҮҮНИЙ
АСУУЛГА

14201 Улаанбаатар хот, Сүхбаатар дүүрэг
Жанжин Д.Сүхбаатарын талбай 1, Төрийн ордон
Утас: 26-70-16, Факс: 32-70-16
E-mail: stategreathural@parliament.mn
<http://www.parliament.mn>

2026.03.03 № 13

Ерөнхий боловсролын сургалтын
асуудлаар

Монгол Улсын Үндсэн хуулийн Арван зургадугаар зүйлийн 7 дахь заалтад “сурч боловсрох эрхтэй. Төрөөс бүх нийтийн ерөнхий боловсролыг төлбөргүй олгоно...” гэж Монгол Улсын иргэний баталгаатай эдлэх эрхийг хуульчилсан.

Энэ хүрээнд боловсролын багц хууль тогтоомжийг 2023 онд шинэчлэн баталж хэрэгжүүлж байгаа бөгөөд суралцагчийн нас, хөгжлийн онцлог, авьяас, сонирхол, хувь хүний болон нийгмийн хэрэгцээ, үндэсний соёл, өв уламжлал, шинжлэх ухаан, технологийн хөгжлийн хандлагад нийцүүлэн чанартай, хүртээмжтэй ерөнхий боловсролыг эзэмшүүлэх нь нэн чухал тул Монгол Улсын Их Хурлын хяналт шалгалтын тухай хуулийн 12 дугаар зүйлийн 12.1 дэх хэсэг, Монгол Улсын Их Хурлын тухай хуулийн 8 дугаар зүйлийн 8.1.13 дахь заалтад заасны дагуу дараах асуудлаар асуулга тавьж байна.

1.Ерөнхий боловсролыг эзэмшүүлэх сургалтын хэлбэрийн нэг нь танхимын бус сургалт бөгөөд танхимын бус сургалтад зайн, хувилбарт болон цахим, дадлага сургалт байхаар Боловсролын ерөнхий хуульд хуульчилсан. Танхимын бус сургалт, тэр дундаа цахим, дадлага сургалтыг хэрхэн зохион байгуулж байгаа талаарх өнөөгийн нөхцөл байдал, цаашид хэрэгжүүлэх арга хэмжээний талаарх мэдээлэл;

2.Стандарт, техникийн зохицуулалтад заасан шаардлага хангасан хэдэн номын сан улсын хэмжээнд үйл ажиллагаа явуулдаг, ерөнхий боловсролын сурагчдад зориулсан цахим номын сан бий эсэх, тэдгээрийн үйлчилгээний хүртээмж, төлбөртэй эсэх, номын сангийн баяжилт, шинэчлэл, хөрөнгө оруулалтын талаарх мэдээлэл;

3.Ерөнхий боловсролын сургалтад ашиглагдаж буй ном, сурах бичгийн жагсаалт, дахин хэвлэлтийн давтамж, ялгаа /анги тус бүрээр/, тэдгээрийн агуулгыг хэрхэн тогтоож баталгаажуулах үйл явц, ном, сурах бичгийн хүртээмж, хэвлэхэд зарцуулсан хөрөнгө, бага ангийн сурагчдын ашиглаж буй ном, сурах бичгийн тоо, дундаж жингийн талаарх мэдээлэл;

4.Сургалтад цахим технологи, хэрэглэгдэхүүнийг ашигладаг эсэх, багш цахим технологийг үр дүнтэй ашиглах арга зүйд суралцахад дэмжлэг үзүүлсэн, хэрэгжүүлсэн

2026000037

арга хэмжээ, цахим сургалт, контент бүтээх, сургалтын нээлттэй нөөц материал болон бусад цахим системийн ашиглалтын талаарх мэдээлэл;

5.Ерөнхий боловсролын сургуулийн сурагчдын нийгмийн сүлжээ ашиглалтын талаарх судалгаа, цахим гэмт хэрэг, зөрчил, цахим дээрэлхэлт, гадуурхалтын хохирогч болохоос урьдчилан сэргийлэх чиглэлд авч хэрэгжүүлсэн болон цаашид авч хэрэгжүүлэх бодлогын арга хэмжээний талаарх мэдээлэл;

6.Дээрх асуудлын хүрээнд хөгжлийн бэрхшээлтэй суралцагчдад зориулж хэрэгжүүлсэн арга хэмжээ, түүнчлэн гадаад улсад амьдарч байгаа Монгол Улсын харьяат хүүхдэд монгол хэл, түүх, соёл, ёс заншил зааж сургах асуудлаар авч хэрэгжүүлж байгаа арга хэмжээний талаар.

Асуулгын хариуг хуульд заасан хугацааны дотор ирүүлж, хамтран ажиллахыг хүсье.

Хүндэтгэсэн,

УЛСЫН ИХ ХУРЛЫН
ГИШҮҮН



П.САЙНЗОРИГ

2026000037